



SAVEZ OPĆINA I GRADOVA  
FEDERACIJE BOSNE I HERCEGOVINE  
Association of municipalities and cities of the FBiH

GODINA: XII

BROJ: 195

DATUM: 23.01.2015.GODINE



## Usluge Saveza

### • PRAVNO SAVJETOVALIŠTE:

Selma Fišek, viši saradnik za pravna pitanja  
fax: + 387 33 552 810  
selma@sogfbih.ba

### • FINANSIJSKO SAVJETOVALIŠTE:

Dženita Kovačević, viši saradnik za finansijska pitanja  
fax: + 387 33 552 810  
dzenita@sogfbih.ba

## Sadržaj biltena:

|                                                                                                                        |   |
|------------------------------------------------------------------------------------------------------------------------|---|
| Općine i gradovi u FBiH terete FBiH za više od 18 mil KM                                                               | 1 |
| Gradsko vijeće Tuzla traži izmjene Zakona o pripadnosti javnih prihoda u FBiH                                          | 1 |
| Vijeće ministara BiH usvojilo akcijski plan za zaštitu od poplava                                                      | 2 |
| Potpisani ugovori za dodjelu sredstava za projekte zaštite okoliša i sanaciju šteta nastalih usljed prirodnih nepogoda | 2 |
| Osam općina u FBiH uvodi BFC SEE certifikate                                                                           | 3 |
| Bugojno otvara rudnik uglja                                                                                            | 3 |
| Sa područja općine Doboj Jug voda se povlači ostavljajući velike nanose smeća                                          | 4 |
| Bihać nastavlja sa širenjem mreže sortiranog prikupljanja otpada                                                       | 4 |
| U Visokom održana prezentacija o pristupu MSP-a sredstvima                                                             | 5 |
| U Bužimu potpisan ugovor za izgradnju sportske dvorane                                                                 | 5 |
| Pozitivni trendovi u privredi općine Novi Grad Sarajevo                                                                | 5 |
| NAJAVA obilježavanja dana općina za mjesec februar                                                                     | 6 |

# Bilten Saveza općina i gradova Federacije Bosne i Hercegovine

## OPĆINE TERETE FEDERACIJU BIH ZA VIŠE OD 18 MIL. KM

Savez općina i gradova Federacije Bosne i Hercegovine je u skladu sa odlukom Predsjedništva Skupštine Saveza pokrenuo aktivnosti koje imaju za cilj izuzimanje jedinica lokalne samouprave u Federaciji Bosne i Hercegovine od otplate duga prema Međunarodnom monetarnom fondu.

S tim u vezi, Savez je angažovao advokata koji će ga zastupati po ovom pitanju, te je isti pripremio i uputio opomenu pred tužbu predsjedniku Federacije Bosne i Hercegovine, premijeru Federacije Bosne i Hercegovine i federalnom ministru finansija, a kojom se traži:

- „da se jedinicama lokalne samouprave izvrši povrat iznosa od 18.202.182,00 KM, za koji su im u 2013. godini umanjena pripadajuća sredstva sa jedinstvenog računa, po osnovu otplate duga prema Međunarodnom monetarnom fondu;
  - da se ubuduće prekine navedena praksa koja dovodi do umanjenja pripadajućih sredstava jedinica lokalne samouprave, odnosno da se uspostavi sistem otplate vanjskog duga tako da općine dug ne isplaćuju u višem iznosu, više puta, odnosno da iste ne isplaćuju nepostojeći dug;
  - da se predstavnici Saveza uključe u aktivnosti utvrđivanja stanja javnog duga i definiranja dugova koji će imati zajedničku otplatu, u aktivnosti pripreme izmjena Zakona o dugu, zaduživanju i garancijama, novog Zakona o pripadnosti javnih prihoda, kao i drugih relevantnih propisa u cilju uređenja ovih pitanja na odgovarajući način.
- Ukoliko se u razumnom roku ne izvrši zahtijevani povrat sredstava, te izostane reakcija Vlade Federacije Bosne i Hercegovine u vezi sa pomenutim aktivnostima, Savez općina i gradova Federacije Bosne i Hercegovine će podići tužbu i pokrenuti postupak kod nadležnog suda, sa zahtjevom za isplatu ukupnog iznosa za koji su umanjena pripadajuća sredstva jedinica lokalne samouprave, sa zakonskim zateznim kamatama, te naknadom svih troškova sudskih postupaka, u skladu sa zakonom.

Otplata vanjskog duga iz Stand-by aranžmana sa Međunarodnim monetarnim fondom koja se vrši prije raspodjele ukupnih javnih prihoda, dovodi do toga da su općine i gradovi uskraćeni za dio javnih prihoda, a da od istog nisu ni dobile sredstva.



## GRADSKO VIJEĆE TUZLA TRAŽI IZMJENE ZAKONA O PRIPADNOSTI JAVNIH PRIHODA U FBiH

**TUZLA, 22. januar/siječanj** – Počev od 2007. godine, Gradsko vijeće Grada Tuzla (ranije Općinsko vijeće), dostavljalo je kontinuirano Parlamentu i Vladi Federacije BiH inicijative i urgencije za donošenje Zakona o izmjenama i dopunama Zakona o pripadnosti javnih prihoda, ali prijedlozi i inicijative Gradskog vijeća, nisu nikada uzeti u obzir, navodi sa na web stranici Grada Tuzle.

Navedena aktivnost je intenzivirana tokom 2014. godine, tokom koje je Vijeće insistiralo na usvajanju izmjena navedenog zakonskog dokumenta, a posljednje urgencije prosljeđene su po osnovu zaključaka sa 4. redovne sjednice od 29.12.2014. godine i 5. sjednice od 14.01.2015. godine.

Vijeće je kontinuirano tražilo da se inicijativa za izmjenu Zakona o pripadnosti javnih prihoda usvoji i navedeni Zakon izmijeni, sve sa ciljem obezbjeđenja ravnopravnosti građana u raspodjeli javnih prihoda i obezbjeđenja više sredstava za Grad Tuzlu. „Zatražili smo od Vlade i Parlamenta Federacije BiH, da što prije uzmu u razmatranje inicijativu Gradskog vijeća Tuzla i usvoji Zakon o izmjenama i dopunama Zakona o pripadnosti javnih prihoda u Federaciji Bosne i Hercegovine.“

Gradsko vijeće Tuzla poziva sve građane, organe i institucije da se pridruže aktivnostima Gradskog vijeća Grada Tuzle. U navedene aktivnosti uključit će i Savez općina i gradova Federacije BiH.



## VIJEĆE MINISTARA BIH USVOJILO AKCIJSKI PLAN ZA ZAŠTITU OD POPLAVA

**SARAJEVO, 21. januar/siječanj** – Vijeće ministara Bosne i Hercegovine, na prijedlog Ministarstva vanjske trgovine i ekonomskih odnosa, usvojilo je na današnjoj sjednici Akcijski plan za zaštitu od poplava i upravljanje rijekama u BiH 2014. – 2017. godina, kojim se stvara okvir u kojem će pitanja zaštite od poplava i upravljanja vodama biti tretirana na usklađen i koordiniran način kako u Bosni i Hercegovini tako i na regionalnoj razini.

Ministarstvo vanjske trgovine i ekonomskih odnosa će, u suradnji s drugim nadležnim institucijama na svim razinama vlasti u BiH i zakonima propisanim nadležnostima, koordinirati realizaciju mjera utvrđenih Akcijskim planom, o čemu će jednom godišnje informirati Vijeće ministara BiH.

Državna ministarstva vanjske trgovine i ekonomskih odnosa, sigurnosti, civilnih poslova, financija i trezora i Direkcija za evropske integracije će ostvariti posebnu suradnju radi efikasnije realizacije Akcijskog plana.

Akcijski plan sadrži šest ključnih mjera i 22 podmjere koje će nadležne institucije realizirati do kraja 2017. godine.

Paket mjera, između ostalog, obuhvaća saniranje štete od poplava, erozija i bujica na postojećim zaštitnim vodnim objektima, riječnim koritima i kanalima; usklađivanje sustava zaštite od poplava s odgovarajućim direktivom EU, izradu tehničkih rješenja za zaštitu od poplava, uspostavljanje hidrološkog prognostičkog sustava u BiH, jačanje kapaciteta institucija u BiH u ovoj oblasti te upravljanje vodama.

Za provođenje Akcijskog plana potrebno je 592,7 miliona KM, a do sada je osigurano 267,2 miliona KM iz kredita, grantova i proračunskih sredstava.

Trenutačno su u fazi pripreme nekoliko projekata kojima će biti osigurano dodatnih 100 miliona KM, saopćeno je iz Vijeća ministara BiH.

### KORISNI LINKOVI ZA PREDPRISTUPNE FONDove EU:

[www.southeast-europe.net](http://www.southeast-europe.net)  
[www.adriaticipacbc.org](http://www.adriaticipacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.cbc.bih-mne.org](http://www.cbc.bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmmed.eu](http://www.programmmed.eu)  
[www.tacso.org](http://www.tacso.org)  
[www.euroinfocentar.ba](http://www.euroinfocentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

*U protekloj godini, ova institucija je za implementaciju projekata u Federaciji BiH izdvojila više od 11 miliona KM, a dio aktivnosti je realiziran u saradnji sa EU i UNDP-om.*

## POTPISANI UGOVORI O DODJELI SREDSTAVA ZA PROJEKTE ZAŠTITE OKOLIŠA I SANACIJU ŠTETA NASTALIH USLJED PRIRODNIH NEPOGODA

U prostorijama Fonda za zaštitu okoliša Federacije BiH, u srijedu 14. januara/siječnja, potpisani su ugovori o sufinansiranju 34 projekata iz oblasti zaštite okoliša i realizaciji programa i projekata za sanaciju šteta nastalih usljed prirodnih nepogoda. Sredstva su odobrena na osnovu dva javna poziva koja su provedena u 2014. godini, a osigurana su za:

- 8 projekata iz oblasti zaštite okoliša, u iznosu do 650.000,00 KM, a koji se odnose na:
  1. Projekte uspostavljanja federalne mreže monitoringa kvaliteta zraka - 1 projekat u ukupnom iznosu do 150.000,00 KM;
  2. Projekte u oblasti upravljanja otpadom - Studije i projekti smanjivanja količine otpada, kao i povećanje ukupnog procenta adekvatnog zbrinjavanja otpada reciklažom, odnosno povratom materijala ili energije - 7 projekata u ukupnom iznosu do 500.000,00 KM.
- 26 projekata u iznosu do 2.000.000,00 KM, a koji se odnose na:
  1. Projekte sanacije, obnove i izgradnje vodovodne i kanalizacione infrastrukture oštećene poplavom ili klizištem - 16 projekata u iznosu do 1.380.000,00 KM;
  2. Projekte čišćenja obala vodotoka od otpada nanesenog tokom poplava - 10 projekata u iznosu do 620.000,00 KM.



Ovom prilikom direktor Fonda, Safet Harbinja, kazao je da je ovo jedna od aktivnosti koju je Fond realizirao s ciljem pomoći područjima koja su stradala u prirodnim nesrećama.

"Sanacija šteta je počela u 2014. godini, a današnje potpisivanje ugovora je samo ceremonijalni dio aktivnosti", izjavio je Harbinja.

Kako bi štete bile što prije sanirane, a prema zaključku Parlamenta i Vlade FBiH, Fond za zaštitu okoliša FBiH je nakon prvih poplava u 2014. godini izvršio rebalans svih raspoloživih sredstava.



"Radne ekipe su obišle teren, sačinile detaljne izvještaje, te smo na osnovu utvrđenog činjeničnog stanja u koordinaciji sa relevantnim akterima definirali kriterije i prioritete u raspodjeli sredstava, sve u cilju saniranja posljedica izazvanih poplavama. Akcenat smo stavili na Zeničko-dobojski, Posavski i Unsko-sanski kanton", naveo je Harbinja.

U protekloj godini, ova institucija je za implementaciju projekata u Federaciji BiH izdvojila više od 11 miliona KM, a dio aktivnosti je realiziran u saradnji sa EU i UNDP-om.

Fond za zaštitu okoliša FBiH je, pored redovnih aktivnosti na finansiranju projekata u okviru petogodišnjeg programa „GED - Zeleni ekonomski razvoj“, udruženim sredstvima UNDP-a i Evropske komisije participirao u provođenju infrastrukturnih mjera energetske efikasnosti u okviru sanacije devet javnih objekata u poplavljenim područjima FBiH. Ukupna vrijednost cjelokupne investicije jeste cca 7 miliona KM. Po principu „Build back better“, potpuno su sanirani, vraćeni u prvobitno stanje i unaprijeđeni u smislu povećanja energetske efikasnosti sljedeći objekti: JU OŠ „Maglaj“ u Maglaju, JU „Mješovita srednja škola Maglaj“, „Dom zdravlja“ Maglaj, „Prva osnovna škola“ Maglaj, JU Dječiji vrtić Maglaj, Zgrada Općine i Suda u Maglaju, JU „Mješovita srednja škola Amir Žilić“ u Sanskom Mostu, Srednja strukovna škola Orašje i Osnovna škola Orašje.



## OSAM OPĆINA U FBiH UVODI BFC SEE CERTIFIKAT



Općine Bosanska Krupa, Goražde, Konjic, Livno, Prozor-Rama, Tešanj, Visoko, Žepče i grad Bihać započele su aktivnosti na uvođenju BFC SEE sertifikata. Riječ je o certifikatu koje dobivaju općine s povoljnim poslovnim okruženjem, i koji bi trebao privući nove strane investitore.

Program certifikacije općina sa povoljnim poslovnim okruženjem osmislila je i pokrenula Nacionalna alijansa za lokalni ekonomski razvoj NALED u Srbiji 2007. godine. Prije dvije godine

projekat je proširen na Hrvatsku, Bosnu i Hercegovinu i Makedoniju. Ugovor o formiranju Regionalne mreže za povoljno poslovno okruženje je potpisan u septembru 2013. godine u Opatiji i od tada se širi u cijelom regionu, piše NAP.

Na putu do sertifikata općine trebaju ispuniti 12 kriterija i više od 80 pod-kriterija koji podrazumijevaju unapređenje procedura, smanjivanje birokratije i pribavljanje svih dokumenata i podataka neophodnih privrednicima i potencijalnim ulagačima u planiranju poslovanja i donošenju investicionih odluka.

Investitorima koji žele preseliti ili proširiti svoje poslovanje u jugoistočnu Europu, BFC SEE služi kao garant da općina ima povoljnu klimu za investiranje, piše NAP.



## BUGOJNO OTVARA RUDNIK UGLJA, POSAO ZA 500 RADNIKA

**BUGOJNO, 9. januar/siječanja** – Općinsko vijeće Bugojno usvojilo je Odluku o osnivanju Javnog poduzeća za eksploataciju uglja, koji bi bio u općinskom vlasništvu, prenio je portal Biznis.ba.

„Mislim da će Bugojno imati jedan veliki gigant, koji će biti u interesu ne samo lokalne zajednice već i regije. Otvaranje Rudnika promijenit će ekonomsku sliku grada, i omogućiti nam izravno zapošljavanje oko 500 radnika. Vjerujem da ćemo imati podršku viših razina vlasti“, kazao je Feni načelnik Hasan Ajkunić.

Procjenjuje se da rezerve uglja u bugojanskom bazenu iznose oko 100 milijuna tona i da se najveća nalazišta nalaze na potezu Kotezi-Milanovići.



Bugojno



Grb Općine Bugojno

## SA PODRUČJA OPĆINE DOBOJ JUG VODA SE POVLAČI OSTAVLJAJUĆI VELIKE NANOSE SMEĆA



Poplavljeno područje  
Doboj Jug



Na području općine Doboj Jug stanje vodostaja rijeka Usore i Bosne nakon posljednjih kiša je u opadanju, tako da građani nemaju potrebe za strahom od izlivanja, pogotovo ako se ima u vidu činjenica da kiša ne pada stalnim intenzitetom i da je uzvodno kod obje rijeke tendencija smanjenja nabujalih riječnih tokova. Tokom noći s ponedjeljka na utorak (sa 19. na 20. januar) zapažen je veći nivo rijeke Bosne koja se od 2 sata iza pola noći do 9 sati ujutro smanjila za metar i više i još se smanjuje. Usora je u zoni ušća neznatno izašla iz svoga korita, ali se i njene vode povlače. Još jedino u Mravićima u jednom dijelu Mravićkih polja u zoni fabrike guma Sinteks, voda se zadržava zbog nedovoljne propusne moći oborinskih kanala i jednog zatrpanog kanala koji je na privatnoj parceli. Klizišta i u Matuzićima i u Mravićima za sada miruju i ne prijetje.

Ono što zabrinjava jesu veliki nanosi smeća koje je donijela i nakon povlačenja ostavila rijeka Bosne u zoni lokaliteta Kulina u Mravićima, pa će biti neophodno o ovome obavjestiti nadležnu vodoprivrednu inspekciju. Činjenica je da je voda 15. maja 2014. godine znatno oštetila obale i na ovom dijelu napravila rukavce koji su zatrpani nanosima, pogotovo nanosima velikog drveća, što stvara otpor i zadržava ogromne količine smeća koje ribari nisu u stanju sami očistiti.

### KORISNI LINKOVI ZA PREDPRISTUPNE FONDVE EU:

[www.southeast-europe.net](http://www.southeast-europe.net)  
[www.adriaticpacbc.org](http://www.adriaticpacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.cbc.bih-mne.org](http://www.cbc.bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmmed.eu](http://www.programmmed.eu)  
[www.tacso.org](http://www.tacso.org)  
[www.euroinfocentar.ba](http://www.euroinfocentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

## BIHAĆ NASTAVLJA SA ŠIRENJEM MREŽE SORTIRANOG PRIKUPLJANJA OTPADA

**BIHAĆ, 22. januar/siječanja** – Danas su komunalnom preduzeću Komrad iz Bihaća uručeni kontejneri za uspostavu 31 eko otoka putem kojih će građani moći selektivno odlagati ambalažni otpad. Komrad će ambalažni otpad transportovati na svoje reciklažno dvorište, gdje će ga pripremati za reciklažu. Ovo je nastavak projekta "Uspostava i razvoj primarne selekcije ambalažnog otpada iz komunalnog čvrstog otpada u Bihaću", potisanog polovinom 2013. godine između Komrada i Ekopaka, čime je Bihać postao prva općina u Federaciji BiH koja je ušla u sistem Zelene tačke, navodi se na web stranici ekopak.



Gradonačelnik Bihaća sa predstavnicima Ekopak-a

Uz podršku Ministarstva za građenje, prostorno uređenje i zaštitu okoliša USK-a, JKP Komrad je inicijalno nabavio plave kontejnere za selektivno odlaganje ambalažnog papira. Da bi se ti kontejneri stavili u funkciju i da bi se obezbijedilo prikupljanje i ostalih vrsta ambalažnog otpada (plastike, stakla, višeslojnih materijala, metala) Ekopak je ovim ugovorom izvršio nabavku 64 kontejnera, što omogućava uspostavu 31 eko-otoka sa po tri kontejnera.

Ekopak će uporedo sprovesti i promotivno-edukativne aktivnosti usmjerene ka povećanju svijesti građana o pravilnom odlaganju i reciklaži ambalažnog otpada.

Grad Bihać ovim projektom jača imidž modernog grada kojem je zaštita okoliša i upravljanje otpadom značajan segment.

Ambalažne kompanije koje su na Ekopak prenijele svoje obaveze, i koje koriste znak Zelene tačke na ambalaži svojih proizvoda, šalju jasnu poruku da ispunjavaju zakonske obaveze i da direktno finansiraju uspostavu i razvoj dugoročnog, transparentnog, održivog i efikasnog sistema

Zelene tačke u našoj zemlji. Do sada je Ekopak uspostavio saradnju sa općinama: Bihać, Gračanica, Orašje, Donji Vakuf, Kladanj, Ključ, Olovo, Breza, Vitez, Novi Travnik i Vogošća, a broj općina se svakodnevno povećava.

**ekopak**

Prvi ovlašten operator sistema upravljanja  
ambalažom i ambalažnim otpadom u BiH





## U VISOKOM ODRŽANA PREZENTACIJA O BOLJEM PRISTUPU MSP-a FINANSIJSKIM SREDSTVIMA

**VISOKO, 11. januar/siječanja** – Prezentacija o mogućnosti podrške poduzetništvu, malom i srednjem biznisu kroz programe „Poboljšanja pristupa malih i srednjih preduzeća finansijskim sredstvima“ održana je u Općini Visoko u organizaciji Službe za finansije, privredu i lokalni ekonomski razvoj u saradnji sa Fondacijom za održivi razvoj – OdRaz, navodi se na web stranici Općine Visoko.



Na prezentaciji je pomoćnik direktora Fondacije za održivi razvoj, Safet Daut predstavio projekat EAF SME koji je kreiran u saradnji sa Vijećem ministara, entitetskim vladama i Svjetskom bankom radi poboljšanja pristupa malih i srednjih preduzeća finansijskim sredstvima. Prezentaciji je prisustvovalo 37 privrednika s područja općine Visoko.

Radi velikog interesovanja privrednih subjekata za ovim načinom kreditiranja, IBRD i Svjetska banka su 17. maja 2012. godine odobrili dodatno finansiranje ovog projekta u iznosu od 55 miliona EURA. Sredstva su namijenjena, u prvom redu, privrednim subjektima, za očuvanje i jačanje njihove tržišne pozicije u uvjetima krize, te za povećanje ekonomske mogućnosti kroz stimulaciju bržeg kreditnog finansiranja iz ovog projekta.

Cilj je da se poboljša dostupnost finansijskim sredstvima poduzetnicima, malim i srednjim preduzećima u BiH, kao i da pomogne bankarskom sektoru da izdrži globalni ekonomski pad, čime se postiže veoma važna uloga održavanja stabilnosti i povoljne poslovne klime u BiH. Na prezentaciji će biti mogućnosti za odgovore na pitanja u vezi aplikacije i uvjeta korištenja sredstava.

*Radi velikog interesovanja  
privrednih subjekata za  
ovim načinom  
kreditiranja, IBRD i  
Svjetska banka su 17. maja  
2012. godine odobrili  
dodatno finansiranje ovog  
projekta u iznosu od 55  
miliona EURA.*

## U BUŽIMU POTPISAN UGOVOR ZA IZGRADNJU SPORTSKE DVORANE



U Bužimu je potpisan ugovor o izgradnji sportske dvorane vrijedne oko 1,7 mil KM. Kamen-temeljac trebalo bi da bude položen 20. februara, na dan oslobođenja Bužima, a najava početka izgradnje sportske dvorane posebno je obradovala sportske radnike, javlja RTV USK.

Direktor građevinske kompanije "Širbegović" iz Gračanice Emir Čolo i načelnik Općine Bužim Agan Bunić u prisustvu vlasnika Faruka Širbegovića, predsjedavajućeg Općinskog vijeća i nekoliko vijećnika, te sportskih radnika, potpisali su ugovor o

izgradnji prve faze sportske dvorane vrijedan oko 600.000 KM.

Sportska dvorana biće izgrađena na lokaciji u blizini Srednje škole "Hasan Musić", a uskoro će početi pripremni radovi.

## POZITIVNI TRENDovi U PRIVREDI OPĆINE NOVI GRAD SARAJEVO U PROTEKLE DVIJE GODINE

Općina Novi Grad Sarajevo već dvije godine provodi mjere pružanja podrške privredi s ciljem poboljšanja poslovnog ambijenta u ovoj lokalnoj zajednici. U tom periodu intenzivno se radilo na uspostavi komunikacije i saradnje sa privrednicima sa područja općine, i upravo ta komunikacija je bila osnova za kreiranje mjera kojima je ova Općina obezbijedila privrednicima koji posluju na njenom području najpovoljnije finansijske linije u Bosni i Hercegovini sa profitnom maržom od 1,99 posto. Pored toga, finansirala je zapošljavanje pripravnika, prekvalifikacije za deficitarna zanimanja, radila na promociji privrede, ulagala u poslovnu infrastrukturu, te radila intenzivno i sistemski na poboljšanju općih uslova poslovanja.





Novi Grad Sarajevo

**KORISNI LINKOVI ZA  
PREDPRISTUPNE FONDove EU:**

[www.southeast-europe.net](http://www.southeast-europe.net)  
[www.adriaticpacbc.org](http://www.adriaticpacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.cbc-bih-mne.org](http://www.cbc-bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmmed.eu](http://www.programmmed.eu)  
[www.tacso.org](http://www.tacso.org)  
[www.euroinfocentar.ba](http://www.euroinfocentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

Sve navedeno, uz činjenicu da je Općina Novi Grad Sarajevo najmnogoljudnija općina u Bosni i Hercegovini, i kao takva najatraktivnije i najveće lokalno tržište, rezultiralo je pozitivnim privrednim trendovima, što se odrazilo i na smanjenje broja nezaposlenih osoba na području Novog Grada.

Prema podacima Statističkog biltena JU Službe za zapošljavanje Kantona Sarajevo, u decembru 2012. godine, na području Općine Novi Grad Sarajevo bilo je 22.260 zaposlenih (broj registriranih radnih mjesta u Općini Novi Grad Sarajevo) i 20.245 nezaposlenih osoba (broj registriranih lica koje traže posao na Birou za zapošljavanje u Općini Novi Grad Sarajevo). Do decembra 2014. godine bilježe se pozitivna kretanja, pa je tako u decembru 2014. godine bilo 23.251 zaposlenih i 19.927 nezaposlenih osoba. Podaci kazuju da je evidentan rast otvaranja novih radnih mjesta za 4,5 posto (991) i blagog smanjenja nezaposlenosti 1,6 posto (318). Dakle zabilježen je ukupan trend rasta od 1.309. Također, zabilježen je i porast broja stanovnika jedino na području ove općine (u odnosu na ostale gradske općine).

Ako ove pokazatelje uporedimo sa kretanjima u Kantonu Sarajevo, u kom je u periodu decembar 2012. - decembar 2014. godine došlo do pada zaposlenosti za 0,1 posto i pada nezaposlenosti za 1,5 posto, vidimo da je trend pozitivnih kretanja u mnogo većoj mjeri zastupljen na području općine Novi Grad Sarajevo. Udio Općine Novi Grad Sarajevo u ukupnom smanjenju nezaposlenih u Kantonu Sarajevo iznosi 30 posto. U istom periodu u Federaciji BiH je došlo do rasta nezaposlenosti za 1,4 posto (5.345 više osoba koje traže posao) i rasta zaposlenosti za 2,96 posto (12.654 novih radnih mjesta), što je ukupan trend rasta od 7.309 radnih mjesta. Dakle, u ukupnom rastu zaposlenosti u Federaciji BiH, Općina Novi Grad Sarajevo učestvuje sa 8 posto, a ova Općina je zabilježila pozitivan učinak u ukupnom trendu rasta od 18 posto u odnosu na Federaciju BiH (kreiranju novih radnih mjesta i smanjenju nezaposlenosti). U ukupnom broju stanovnika u Federaciji BiH Općina Novi Grad Sarajevo učestvuje sa 5 posto.

Kada se uporede svi prikazani podaci, primjećuje se da je evidentan rast pozitivnih kretanja na području općine Novi Grad Sarajevo, koja predstavlja značajan faktor razvoja i rasta kako u Kantonu Sarajevo tako i u Federaciji BiH. Ovi podaci pokazuju da su se u protekla 24 mjeseca na području općine Novi Grad Sarajevo mjesečno generirala 54,5 radnih mjesta, kako kroz povećanje zaposlenosti – otvaranje novih radnih mjesta, tako i kroz smanjenje nezaposlenosti.

Evidentno je da je tendencija rasta posmatranih parametara najintenzivnija na području općine Novi Grad Sarajevo. Nastavak provođenja mjera podrške privredi i zapošljavanju, planiran je i u ovoj godini, te su u budžetu za 2015. godinu planirana sredstva za tu namjenu.

**NAJAVA OBILJEŽAVANJA DANA OPĆINA ZA MJESEC FEBRUAR/VELJAČU**

- **08. februar/veljača - Dan Općine Odžak.** Tog dana 1996. godine prvi povratnici predvođeni policijskim snagama vraćaju se u svoje domove.
- **20. februar/veljača - Dan Općine Bužim.** Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.
- **21. februar/veljača - Dan Općine Ljubuški.** Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.



Odžak



Bužim



Ljubuški



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: [dino@sogfbih.ba](mailto:dino@sogfbih.ba)

## Pratite nas na:

Pratite Savez općina i gradova Federacije Bosne i Hercegovine na

YouTube

Pratite Savez općina i gradova FBiH na



facebook  
Savez općina i gradova Federacije Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: [dino@sogfbih.ba](mailto:dino@sogfbih.ba)

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

- **22. februar/veljača - Dan Općine Jablanica** i dan sjećanja na oslobođenje grada u Drugom svjetskom ratu.
- **22. februar/veljača - Dan Općine Jajce.** Datum je ovo prvog pisanog pominjanja grada Jajca 1396. godine u Povelji iz dubrovačkog arhiva.
- **23. februar/veljača - Dan Općine Velika Kladuša.** Ovaj datum je značajan kao sjećanje na prvo oslobađanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.
- **26. februar/veljača - Dan Općine Bihać.** Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.
- **29. februar/veljača - Dan Općine Ilijaš.** Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.



Jablanica



Jajce



Velika Kladuša



Bihać



Ilijaš